

17/161

Fyresdal kommune
Klokkarhamaren 6
3870 FYRESDAL

Deres ref.:
Vår ref.: 16/1155-2
Saksbehandler: Gunnhild Orten
Dato: 16.12.2016

Innføring av kjernejournal i mars 2017

Informasjon til fastlegekontor, legevakter og kommunar i Vestfold, Telemark, Buskerud og Østfold samt kommunane Asker og Bærum

No har 4,1 millionar innbyggjarar fått kjernejournal. Innbyggjarane i Vestfold, Telemark, Buskerud og Østfold, samt Asker og Bærum kommune, står igjen og får no kjernejournal 1. mars 2017.

Helsepersonell tek i bruk løysinga etter kvart som informasjon- og opplæringsaktivitetar blir gjennomførte.

Frå 1. mars vil kjernejournal vere innført i heile landet. Det betyr at alle innbyggjarane har fått kjernejournal og at helsepersonell med tenestleg behov ved alle fastlegekontor, legevakter og sjukehus har tilgang til kjernejournal.

Kva er kjernejournal?

Kjernejournal er ei ny elektronisk teneste som viser utvalde og viktige helseopplysningar om den enkelte innbyggjar. Opplysningane blir tilgjengelige både for innbyggjaren og helsepersonell. Dei fleste opplysningane kjem automatisk frå offentlege registre.

Les gjerne meir om kjernejournal på ehelse.no/kjernejournal.

Kvifor bruke kjernejournal?

Kjernejournal gir helsepersonell rask og sikker tilgang til opplysningar om til dømes kva legemiddel pasienten står på og kven som er nærmaste pårørende og tidlegare fastlege. Tilbakemeldingar frå helsepersonell er at kjernejournal inneheld sentrale opplysningar og er enkel i bruk.

Nokre pasientar (ca. 2 %) har sjukdommar som er vanskelege å oppdage, men viktige å kjenne til i ein akutt situasjon. Kjernejournal gir ei rask oversikt over slik kritisk informasjon når behandlande lege har registrert dette.

Informasjonen om legemiddel opplevast som særleg nyttig. Legemiddeloversikten viser legemiddel på resept, utlevert frå apotek (papir-, telefon- og e-reseptar), samt gyldige e-reseptar.

Pasienten kan sjølv registrere og sjå all informasjon i kjernejournalen sin via helsenorge.no. Dette gjer at kjernejournal er ei utmerka moglegheit for god samhandling og dialog med pasienten.

Direktoratet for e-helse

E-helse Avdeling innføring

Postboks 6737 St. Olavs plass, 0130 OSLO • Besøksadresse: Verkstedveien 1 • Tlf.: 21 49 50 70

Org.nr.: 915 933 149 • postmottak@ehelse.no • www.ehelse.no

Kva skjer vidare?

Tid	Aktivitetar
Februar	Direktoratet for e-helse sender informasjonsmateriell om kjernejournal til sjukehus, legevakter, legesenter, apotek og kommunane sine informasjonssenter. Mottakarane gjer materiellet tilgjengeleg for innbyggjarane.
Februar – april	Direktoratet for e-helse gjennomfører informasjon- og opplæringsmøter. Opplæring vil i det vesentlege bli gjennomført på dei møtearenaene som allereie finnast: ALU-møter, PKO-møter og liknande. Det blir held eigne møter for IKT- ansvarlege i kommunane.
Januar – mars	EPJ-leverandørane <i>sørgjer for å leggje til rette</i> den elektroniske pasientjournalen slik at verksemdene kan ta kjernejournal i bruk.
Mars	1.mars blir kjernejournal oppretta for dei innbyggjarane som har folkeregistrert adresse i kommunane. Dette vil innbyggjarane få beskjed om på e-post viss dei har registrert e-postadressa si i Difi sitt kontaktregister. Dei vil også få vite at det er mogleg å reservere seg frå kjernejournal. Nokre pasientar kan kome til å spørje legen sin om informasjonen i e-posten, som kjem frå Direktoratet for e-helse.

Vi ber dykk vere litt førebudde på desse aktivitetane og vi ser fram til god dialog med dykk om innføring av kjernejournal.

Vennlig hilsen

Rune Røren e.f.
avdelingsdirektør

Gunnhild Orten
seniorrådgiver